

IV. ENTIDADES LOCAIS

CONCELLO DE VILARDEVÓS

APROBACIÓN DEFINITIVA DA ORDENANZA MUNICIPAL REGULADORA DA CORTA E SACA DE MADEIRA NO CONCELLO DE VILARDEVÓS

Ao non se presentaren reclamacións durante o prazo de exposición ao público, queda automaticamente elevado a definitivo o Acordo Plenario inicial aprobatorio da Ordenanza municipal reguladora da corta e saca de madeira no Concello de Vilardevós, cuxo texto íntegro se publica, para o seu coñecemento xeral e en cumprimento do que determina o artigo 70.2 da Lei 7/1985, do 2 de abril, de bases de réxime local.

Ordenanza municipal reguladora da corta e saca de madeira no Concello de Vilardevós

Artigo 1º Obxecto da normativa

Constitúe o obxecto desta ordenanza o establecemento dunha regulación no municipio de Vilardevós das cortas e sacas de madeira que faga compatible a liberdade de empresa e o desenvolvemento e explotación do sector forestal, coa preservación do medio natural, a conservación dos camiños e pistas municipais e a seguridade viaria.

Artigo 2º Concepto de corta e saca de madeira

Por corta e saca de madeira deberá entenderse, para os efectos desta ordenanza, a totalidade das operacións que se desenvolvan dentro do municipio de Vilardevós que teñan por obxecto a obtención e transporte de madeira de tala, incluíndo tanto as operacións previas ou preparatorias á corta (desprazamento de vehículos e maquinaria, construción de ramplas ou accesos as fincas, preparación do terreo, etc.) como as posteriores (preparación e depósito da madeira, carga e transporte, preparación, almacén e xestión dos restos da corta).

Artigo 3º Requisitos para as operacións de corta e saca de madeira

Sen prexuízo da necesaria obtención, con carácter previo dos permisos ou autorizacións que, conforme á normativa vixente, sexan necesarios para cortar plantacións forestais dentro do municipio de Vilardevós será obrigatorio presentar nas oficinas municipais unha comunicación por escrito cunha antelación mínima de 10 días hábiles.

No escrito de comunicación previa deberán constar os seguintes datos:

1. Datos de identificación do propietario forestal e do madeireiro:

- Persoa física: nome, apelidos, número do DNI ou NIF, enderezo e teléfono.
- Sociedade ou persoa xurídica: enderezo, CIF, nome e apelidos da persoa encargada ou responsable da empresa e teléfono.

2. Especie de madeira obxecto da corta. Toneladas métricas de madeira que se prevén extraer.

3. Nome do predio ou monte afectado, lugar e parroquia onde se sitúa, identificación en plano catastral.



4. Datam previstas de inicio e remate dos traballos.
5. Vehículos e maquinaria que se vai empregar nas operacións de corta e saca.
6. Lugar onde se depositará á espera da súa carga a madeira.
7. Vías que se van empregar e data prevista para o transporte da madeira.
8. Sistema previsto para a limpeza das vías públicas afectadas polas operacións de corta e saca de madeira.
9. De ser o caso, fotocopia compulsada do permiso, autorización ou licenza de corta expedido pola autoridade competente.
10. Fotocopia compulsada do seguro de responsabilidade civil ou calquera outro similar do madeireiro que cubra os eventuais danos e prexuízos que poidan causarse con ocasión da corta e saca da madeira, así como do último recibo pagado, acreditativo de que o dito seguro está vixente no momento de se realizaren as ditas operacións.

No suposto de que o madeireiro non sexa beneficiario de ningún seguro destas características, deberá facelo constar así expresamente, no escrito de comunicación que presente e prestar fianza en metálico ou aval bancario na forma e contía establecida no artigo 5º.

O Concello de Vilardevós pon a disposición dos interesados un modelo normalizado do escrito de comunicación previa. (Anexo I da presente ordenanza)

Artigo 4º Obrigas nas operacións de corta e saca de madeira

O madeireiro está obrigado á limpeza e retirada dos residuos da corta da madeira de xeito que as pistas, camiños ou espazos públicos queden en todo momento no mesmo estado de limpeza e conservación que tiñan antes de levarse a cabo as operacións de corta e saca de madeira. Esta obriga de limpeza deberá cumprirse todos os días ao final da xornada. Así mesmo estará obrigado a sinalizar as vías situadas nas zonas de extracción e depósito da madeira conforme ao establecido na normativa vixente en materia de tráfico, circulación e seguridade viaria.

Prohíbese terminantemente usar as vías públicas para almacén ou depósito da madeira. O madeireiro ou propietario forestal deberá derrubar e repor ao seu estado anterior as ramplas abertas para facilitar o acceso ao predio ou ao monte, co obxecto de que, cando chova, a auga e a terra arrastrada non inunde e cause danos nas pistas ou camiños municipais, estas ramplas de acceso en ningún caso interromperán o paso polas pistas ou camiños municipais.

De acordo coa normativa vixente en materia urbanística, queda prohibido efectuar desprazamentos de terra que polas súas características deben ser considerados como movementos de terra.

O madeireiro debe achegar fotografías do estado actual do predio no punto da apertura do acceso a este desde o camiño público antes de realizar a rampla e outras ao final dos traballos de tala para verificar o deber de conservación e limpeza anteriormente sinalado.

Artigo 5º Responsabilidade



O madeireiro será responsable directamente de todos os danos e prexuízos a persoas e bens que se produzan ou ocasionen con motivo da corta, depósito e transporte de madeira, debendo reparar o dano causado. O Concello de Vilardevós velará especialmente para que as ditas operacións de corta e saca de madeira non ocasionen danos nas vías públicas municipais e estas queden en adecuado estado de limpeza e seguridade. A obriga da que se fai referencia no número 1 deste artigo será esixible non só polos actos ou comisións propios, senón tamén polos cometidos por calquera persoa que, sen ser empregada ou traballadora do madeireiro, interveña nas operacións de corta e saca da madeira por conta, consentimento ou coa aquiescencia do madeireiro, e, en xeral, polos cometidos por aquelas persoas de quen deba responder.

No suposto de que non sexa titular ou beneficiario de ningún seguro de responsabilidade civil ou similar que garanta a reparación dos danos ou prexuízos que poda ocasionar con motivo das operacións de corta e saca de madeira, o madeireiro deberá constituír fianza en metálico ou aval bancario a prol do Concello na contía fixada polos servizos técnicos municipais, tendo en conta as características do que se pretende (peso da madeira a extraer, vehículos e maquinaria que se pretende utilizar, estado e grao de conservación da vía afectada, etc.) Esta garantía será devolta polo Concello unha vez rematadas as operacións de corta e saca de madeira, a petición do madeireiro e previo informe favorable dos devanditos servizos técnicos municipais.

Artigo 6º Infraccións

As infraccións a esta ordenanza cualifícanse en moi graves, graves e leves.

--- Constitúen infraccións moi graves:

- a) Non presentar o escrito de posta en coñecemento, unha vez requirido para iso polo Concello.
- b) Deixar as vías municipais nun moi deficiente estado de sucidade, ocasionando unha situación de risco para a seguridade viaria.
- c) Causar danos nas pistas municipais por valor superior a 6.000 euros.
- d) A comisión polo madeireiro de dúas faltas graves que sexan firmes na vía administrativa sen que transcorra máis dun ano.

--- Son infraccións graves:

- a) Non presentar o escrito de comunicación previa. Deixar as vías municipais en deficiente estado de sucidade.
- b) Causar danos nas pistas municipais por valor inferior a 6.000 euros.
- c) Non demoler ou non repor ao seu estado orixinal as ramplas ou accesos que se abriron para acceso aos predios.
- d) A comisión polo madeireiro de dúas faltas leves que sexan firmes na vía administrativa sen que transcorra máis dun ano.

--- Consideraranse infraccións leves calquera outro incumprimento desta ordenanza que non estea cualificado como moi grave ou grave e cuxa sanción corresponda ao Concello



Artigo 7º Sancións

As infraccións desta ordenanza serán sancionadas coas seguintes multas: Infraccións leves: multa de ata 300,00 euros.

Infraccións graves: multa de contía comprendida entra 301,00 euros e 1.500,00 euros.

Infraccións moi graves: multa de contía comprendida entre 1.501,00 euros e 3.000,00 euros.

O importe das multas será graduado tendo en conta as circunstancias concorrentes e de acordo co establecido na normativa vixente. O pagamento das multas poderase esixir pola vía administrativa de constrinximento, sen prexuízo da existencia, se for o caso, das correspondentes responsabilidades civís e penais. As sancións serán independentes da reparación do dano causado e da indemnización de danos e prexuízos a que houbese lugar. As sancións imporanse previa incoación e instrución do correspondente expediente sancionador con audiencia ao interesado. A resolución do expediente sancionador corresponderalle á Xunta de Goberno Local, cando se trate de faltas moi graves ou graves, e á Alcaldía cando se trate de faltas leves.

Artigo 8º Requirimentos

Unha vez advertido o incumprimento da presente ordenanza, e de forma paralela á apertura do expediente sancionador, requirirase o responsable da infracción para que se axuste á normativa e, de ser o caso, repare os danos e prexuízos causados, outorgándolle para isto un prazo prudencial fixado polos servizos técnicos municipais, que, en calquera caso non poderá exceder dun mes. Unha vez transcorrido este prazo sen que se cumpra co requirimento, procederase, sen necesidade de novas notificacións, á súa execución subsidiaria cargándolle os custos desta á persoa responsable.

Disposición derogatoria. Quedan derogadas cantas disposicións municipais de igual ou inferior rango se opoñan ao que se establece nesta ordenanza.

Disposición derradeira. A presente ordenanza entrará en vigor unha vez publicada no Boletín Oficial da Provincia de Ourense e unha vez transcorra o prazo de 15 días hábiles determinado no artigo 65.2 da Lei 7/1985, do 2 de abril, reguladora das bases de réxime local, e permanecerá vixente ata que se acorde a súa modificación ou derogación expresa.

(Ver anexo páx, seguinte).



ANEXO I. COMUNICACION PREVIA DE CORTA E SACA DE MADEIRA

1. Datos da persoa propietaria ou representante

Nome e apelidos/Razón social _____ NIF/DNI/NIE _____

Nome e apelidos representante _____ NIF/DNI/NIE _____

Enderezo _____ N.º _____ C.P. _____

Localidade _____

Tlfno. _____ Correo electrónico _____

Adxunta documento da representación si ____

2. Localización do aproveitamento

Localización _____ N.º _____ C.P. _____

Referencia catastral _____

4. Datos da persoa compradora ou madeireiro

Nome e apelidos/Razón social _____ NIF/DNI/NIE _____

Nome e apelidos representante _____ NIF/DNI/NIE _____

Enderezo _____ N.º _____

C.P. _____ Localidade _____ Provincia _____

Tlfno. _____ Correo electrónico _____

4. Datos da corta prevista

TIPO DE ÁRBORES	Nº	Toneladas previstas da extracción:
Piñeiro ☐		Verde ☐ Seca ☐ Queimada ☐
Outro Tipo ☐		

Datas previstas para realizar a corta: _____

Vehículos para empregar na realización dos traballos _____

Coordenadas do emprazamento da zona de depósito da carga

X _____ Y _____

Vías que se van empregar para o transporte da madeira _____

Datas previstas para o transporte da carga _____

Sistema previsto para a limpeza das vías públicas afectadas _____

Sinatura





Contra o presente acordo, interporase un recurso contencioso-administrativo, ante a Sala do Contencioso-Administrativo do Tribunal Superior de Xustiza de Galicia con sede na Coruña, no prazo de dous meses, que contarán desde o día seguinte á publicación do presente anuncio, de conformidade co artigo 46 da Lei 29/1998, do 13 de xullo, da xurisdición contencioso-administrativa.

Vilardevós, 22 de agosto de 2025. A alcaldesa.

Asdo.. Eva María Pérez Gamote.

R. 2.118

